

Chastè da Tarasp ses project preferì

**TARASP – PASSA VENTG ONNS HA RAMASSÀ
WALTER A. BÜCHI INFURMAZIUNS DAVART IL
«RAI DA L'ODOL» KARL AUGUST LINGNER.**

Dacurt è cumparì en l'Edition Sächsische Zeitung il cudesch «Karl August Lingner – Das grosse Leben des Odolkönigs». Decis da scriver quest'ovra ha l'istoricher Walter A. Büchi ils onns otganta cun passentar sias vacanzas a Tarasp. Tar ina visita en il chastè ha'l vis ina fotografia da Karl August Lingner, numnà il «Rai da l'Odol». Cunquai che Büchi è creschì si a Goldach, nua che sa chattava la fabrica d'Odol svizra, ha'l vulì savair dapli da quest Lingner e co ch'el era arrivà a Tarasp: Karl August Lingner era vegnì avant var

tschient onns en Engiadina Basa a far la cura cun aua minerala. Quella jada ha'l vis per l'emprima giada la ruina dal chastè da Tarasp. Questa miraglia veglia al fascineva ferm. Per 20 000 francs (ozendi fissan quai var 250 000 francs) ha'l cumprà dal chantun Grischun la ruina ed ha laschè reconstruir il chastè ed embellir l'intern. Karl August Lingner nun ha mai pudì giudair la fin da ses project preferì. El è mort durant la stad 1916, curt avant la finischun da la reconstrucziun dal chastè da Tarasp. *anr/fa*



FOTO: F. ANDRY

Walter A. Büchi cun ses cudesch en ina da las curts dal chastè da Tarasp.